



Medijowa zdželenka

Maćičny wuběrk „Serbske pomniki“ rozpušćeny

Pomnikowy wuběrk Maćicy Serbskeje je so džensa w Budyskim Serbskim domje k swojemu poslednjemu posedženju zešoł. Po wjac hač lětdžesatkamaj skutkowanja so wón z džensnišim dnjom rozpušći. Tutu kročel bě předsydka wuběrka Trudla Malinkowa na hłownej zhromadźiznje Maćicy Serbskeje 18. měrcu w Budyšinje připowědźiła. Hłowna přičina za rozpušćenje je wobsahowa, wšako su po zwoprawdženju tójšto projektow w minjenych lětach aktiwity w pomnikowym wobłuku mjeztym popušćili. Tež přestarjenje a woteběraca ličba člonow wuběrka k rozsudej přinošowachu.

Wuběrk „Serbske pomniki“ bě so po dołholětnych prócowanjach Maćicy Serbskeje w léće 2002 založił, zo by pomnikowe džěło w Serbach přewodźał a koordinował. W nim skutkowachu sobu wot předsydstwa Maćicy powołani člonjo z Hornjeje a Delnjeje Łužicy. Wuběrk nawjedowaše spočatnje předsyda Maćicy Serbskeje dr. Měrcin Völkel hač do jeho smjerće 2007, po tym nachwilnje Jurij Łušćanski a wot lěta 2008 do 2023 Trudla Malinkowa. W běhu swojeje wjac hač 20lětnjeje džěławosće je wuběrk přewjedjenje 73 serbskich pomnikowych projektow přewodźał a Załožbje za serbski lud k spěchowanjju doporučil.

Rozpušćenje wuběrka njewoznamjenja kónc pomnikoweje džěławosće w Serbach. Wotpowědne projekty móža so dale na załožbu zapodać. Dotalny wuběrkowy nadawk posudžowanja pomnikowych projektow přewozmje w přichodže fachowa přirada Załožby za serbski lud.

Trudla Malinkowa, předsydka

Budyšin, 4.4.2023